



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL

PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

ZL.A.nr.14/2025

PANELI ZGJEDHOR PËR ANKESA DHE PARASHTRESA (PZAP), i përbërë nga gjyqtarët, Hidajete Gashi Alaj kryesuese, Kujtim Pasuli dhe Bujar Muzaqi anëtarë, duke vendosur përkitazi me ankesën e [redacted] me vendbanim në Breithornweg 8, Uetendorf, kodi postar 3661, Zvicër, të parashtruar ndaj vendimit të KQZ-së, me nr. Protokolli 01/2318/2025 datë 03.09.2025, Miratimin e Rekomandimit për Refuzimin e Kundërshtimit Administrativ, në lidhje me aplikimin për regjistrim të votuesve jashtë Kosovës, për Zgjedhjet Lokale të Republikës së Kosovës që do të mbahen me datë 12 Tetor 2025, në seancën e panelit të mbajtur, me datë 06.09.2025, mori këtë :

V E N D I M

REFUZOHET e pabazuar ankesa ZL A.nr.14/2025 datë 04.09.2025, e parashtruar nga [redacted] me vendbanim në [redacted] Zvicër, kundër Vendimit me nr. Protokolli 01/2318/2025 datë 03.09.2025, të Komisionit Qendror të Zgjedhjeve (KQZ), për shkak të mos regjistrimit si votues jashtë Kosove për Zgjedhjet Lokale të Republikës së Kosovës që do të mbahen me datën 12 Tetor 2025.

A r s y e t i m

Me datë 04.09.2025, PZAP-i, përmes emailit zyrtar ka pranuar një ankesë nga [redacted] me vendbanim në [redacted] Zvicër, në të cilën pretendohet se të njëjtit i është refuzuar ankesa për kundërshtim administrativ për tu regjistruar si votues jashtë Kosovës, i cili ka aplikuar në faqen zyrtare të KQZ-së, përmes platformës elektronike. Parashtruesi thekson se Komisioni Qendror i Zgjedhjeve (KQZ), e ka refuzuar aplikimin tim me arsyetimin e mungesës së adresës së plotë të vendbanimit. Parashtruesi në ankesë thekson se pamvarësisht dorëzimit të dëshmive të plota dhe të ligjshme, KQZ nuk e ka pranuar aplikimin tim duke e pamundësuar të drejtën kushtetuese dhe ligjore për të ushtruar të drejtën e votës. Megjithatë, pavarësisht dorëzimit të këtyre dëshmive të plota dhe të ligjshme, KQZ nuk e ka pranuar aplikimin tim, duke më pamundësuar të drejtën kushtetuese dhe ligjore për të ushtruar të drejtën e votës. Ky veprim përbën shkelje të nenit 45 të Kushtetutës së Republikës së Kosovës dhe nenit 6 të Ligjit Nr. 08/L-228 për Zgjedhjet e Përgjithshme, ku përcaktohet e drejta universale e qytetarëve të Kosovës për të votuar.

Parashtruesi në ankesë ka bashkangjitur dëshminë si kopje e adresës së vendbanimit.

PZAP, iu ka drejtuar me datë 05.09.2025 me kërkesë për përgjigje KQZ-së lidhur me ankesën ZL.A.nr.14/2025 të parashtruar nga ankuesi [REDAKTUAR]

Komisioni Qendror i Zgjedhjeve (KQZ), me datë 05.09.2025 ka parashtruar në PZAP, përgjigje në kërkesë.

Në përgjigje në kërkesë të KQZ-së, ndër të tjera thuhet se Shtetasi [REDAKTUAR] (më tej parashtruesi i ankesës), me numër personal të Republikës së Kosovës [REDAKTUAR] ka aplikuar përmes platformës elektronike.

Shërbimi për votues ka shqyrtuar aplikimin dhe aplikuesi është njoftuar përmes emailit, në email adresën e dhënë gjatë aplikimit (maloku460@gmail.com) për refuzimin e aplikimit të tij me arsyen e refuzimit: "Mungon dokumenti që dëshmon adresën e banimit", meqë dëshmia e bashkangjitura nuk plotësonte kërkesat e përcaktuara në rregulloren sikurse përcaktohet në nënparagrafin 4.4, të nenit 3, të Rregullores Zgjedhore Nr.04/2025, Regjistrimi dhe Votimit Jashtë Kosovës, ku thuhet: "aplikuesi fotografon dokumentin që dëshmon adresën e votuesit jashtë Kosovës, sikurse në nën paragrafin 4.1." Shërbimi për votues ka shqyrtuar aplikimin dhe aplikuesi është njoftuar përmes emailit, në email adresën e dhënë gjatë aplikimit [REDAKTUAR] për refuzimin e aplikimit të tij me arsyen e refuzimit: "*Mungon dokumenti që dëshmon adresën e banimit*", meqë dëshmia e bashkangjitura nuk plotësonte kërkesat e përcaktuara në rregulloren sikurse përcaktohet në nënparagrafin 4.4, të nenit 3, të Rregullores Zgjedhore Nr.04/2025, Regjistrimi dhe Votimit Jashtë Kosovës, ku thuhet: "*aplikuesi fotografon dokumentin që dëshmon adresën e votuesit jashtë Kosovës, sikurse në nën paragrafin 4.1.*"

Ashtu siç është paraqitur më sipër, dëshmia e ngarkuar nga shtetasi përmban vetëm të dhënat themelore, por nuk përmban informata për llojin e dëshmisë. Sipas Procedurës Standarde të Veprimit për Regjistrimin e Votuesve Jashtë Kosovës, pika 2.3.2 përcakton qartë llojin e dokumentit që duhet të bashkëngjitet për të dëshmuar adresën e banimit apo vendqëndrimin jashtë Kosovës, si vijon: Dokument identifikues ku figuron adresa e banimit; Vërtetim i adresës nga autoriteti lokal; Kontrata e qirasë apo dëshmi tjetër e banimit; Fatura e shërbimeve; Dokument i lëshuar nga banka ose kompania e sigurimit.

Paneli, pas shqyrtimit të ankesës së parashtruar nga ankuesi, gjeti se:

-Ankesa është e pabazuar.

Paneli e vlerësoj lejueshmërinë e ankesës dhe ka ardhur në përfundim se e njëjta i plotëson kushtet e përcaktuara me nenin 98 paragrafi 3 të Ligjit NR.08/L-228 për Zgjedhjet e Përgjithshme në Republikën e Kosovës, si dhe në nenin 4 të Rregullores për Procedurat e Parashtrimit dhe Vendosjes së Ankesave,

Paneli, pasi shqyrtoi shkresat e lëndës, dhe vendimin nr. 01/2318/2024 datë 03.09.2025, të KQZ-së, konstatoi se i njëjti është i drejtë, dhe i ligjshëm, bazuar në këtë vlerësoi se ankesa është e pabazuar, pasi që parashtruesi i ankesës gjatë aplikimit të tij për regjistrim për votim jashtë Kosovës nuk i ka plotësuar kriteret përcaktuara në rregulloren sikurse përcaktohet në nën paragrafin 4.4, të nenit 3, të Rregullores Zgjedhore Nr.04/2025, Regjistrimi dhe Votimi Jashtë Kosovës, ku thuhet: “aplikuesi fotografon dokumentin që dëshmon adresën e votuesit jashtë Kosovës, sikurse në nën paragrafin 4.1.” Po ashtu sipas Procedurës Standarde të Veprimit për Regjistrimin e Votuesve Jashtë Kosovës, pika 2.3.2 përcakton qartë llojin e dokumentit që duhet të bashkëngjitet për të dëshmuar adresën e banimit apo vendqëndrimit jashtë Kosovës, si vijon: Dokument identifikues ku figuron adresa e banimit; Vërtetim i adresës nga autoriteti lokal; Kontrata e qirasë apo dëshmi tjetër e banimit; Fatura e shërbimeve; Dokument i lëshuar nga banka ose kompania e sigurimit.

Nga shkresat e lëndës, si dhe nga përgjigja e KQZ-së, Paneli vlerësoi se parashtruesi i ankesës në momentin e aplikimit për regjistrim për votim jashtë Kosovës, përmes platformes elektronike të KQZ-së, pavarësisht faktit që aplikuesi kishte bashkëngjitur disa dokumente të kërkuara si kopje të letërnjoftimit, aplikacioni i tij nuk përmban elementet e kërkuara në Procedurën Standarde të Veprimit për Regjistrimin e Votuesve Jashtë Kosovës si dhe në udhëzimet e dhëna përmes email-it zyrtar. Duke pasur parasysh se është e detyrueshme që bashkëngjitja e fotografisë së aplikuesit me dokument identifikues të Kosovës në dorë të jetë pjesë e kundërshtimit, kusht ky që në rastin konkret nuk është përmbushur.

Në aplikimin e tij, parashtruesi i ankesës kishte bashkëngjitur kopje të letërnjoftimit.

Megjithatë, përveç këtyre dokumenteve, sipas procedurave të KQZ-së, kërkohet një verifikim i dyfishtë i identitetit të votuesit. Ky kriter specifikon që aplikuesi duhet të ngarkojë një fotografi të tij, në të cilën ai duhet të mbajë dokumentin e tij të identitetit siç është letërnjoftimi në dorë, duke mundësuar që verifikimi të bëhet vizualisht dhe në mënyrë të kjo.

Në rastin konkret, aplikuesi ka ngarkuar një foto të letërnjoftimit, por nuk ka plotësuar kërkesën e KQZ-së, për fotografi të vetvetes duke mbajtur dokumentin e identitetit. Ai ka dërguar një shkresë me adresë të vendbanimit, por kjo shkresë nuk ka përmbushur kërkesën si dokument identifikues ku figuron adresa e banimit, pasi që prova e bashkëngjitur në ankesë nuk përmbante elementin e domosdoshëm: Dokument identifikues ku figuron adresa e banimit, vërtetim i adresës nga autoriteti lokal, kontrata e qirasë apo dëshmi tjetër e banimit, fatura e shërbimeve, dokument i lëshuar nga banka ose kompania e sigurimit, dhe kjo ka rezultuar në mos plotësimin e kriterëve të rregulluara me nenin 5.1, dhe 5.4 të Rregullores Zgjedhore Nr. 4/2025, për Regjistrimin dhe Votimin jashtë Kosovës të KQZ-së, ku në këtë nenin 5.4 të Rregullores Zgjedhore Nr. 4/2025, për Regjistrimin dhe Votimin jashtë Kosovës të KQZ-së ndër të tjera thuhet se: “Kërkesa për regjistrim përmes postës bëhet duke plotësuar bashkëngjitur: 5.4 dërgon fotografinë e tij, ku shihet qartë fytyra e tij/saj duke mbajtur në dorë dokumentin identifikues të Republikës së Kosovës”.

Prandaj, nga arsyet e theksuara më lart si dhe duke u bazuar në dispozitat e nenit 117 paragrafi 3, 118 paragrafi 1, neni 119 paragrafi 3 të Ligjit Nr.08/L-228 për Zgjedhjet e Përgjithshme në Republikën e Kosovës, nën paragrafin 5.1, dhe 5.4, të nenit 5, të Rregullores Zgjedhore Nr.04/2025, Regjistrimi dhe Votimit Jashtë Kosovës, Paneli vendosi si në dispozitiv të këtij vendimi.

Paneli Zgjedhor për Ankesa dhe Parashtresa
ZL.A nr. 14/2025 më datën 06.09.2025

Kryesuese e panelit
Hidajete Gashi Alaj



KËSHILLA JURIDIKE: Kundër këtij vendimi është e lejuar ankesa sipas nenit 118 paragrafi 4 të LZP-së, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimi të këtij vendimi.